

KOMINIKE

Aplikasion pou Alokasion Labours

Chagossian Welfare Fund (CWF) pe ofer enn labours bann zanfan desandan Sagosien ki finn reisi zot lexamen Primary School Achievement Certificate (PSAC) ek National Certificate of Education (NCE) ek pe demann zot soumet zot aplikasion pou labours.

➤ **Montan aniel pou sak kategori pou lane skoler 2023**

- Bann zanfan ki finn konplet PSAC ek NCE pou gagn enn alokasion Rs 8,000 aniel ziska lafin zot sik segonder baze lor zot rezilta.

➤ **Elizibilite ek kondision**

- Sink (5) meyer tifi et sink (5) meyer garson kominote Sagosien ki finn reisi dan lexamen PSAC e ki pe kontinie pourswiv zot letid segonder pou elizib.
- Anka ena mwins tifi, pou donn labours restan a bann garson ki ena bon rezilta ou vis-versa baze lor rezilta.
- Bann zanfan bizin gagn omwin grade 5 dan 3 sa bann size-la: Angle, Franse, Matematik, Istwar/Zeografi ek Sians.
- Pou nivo NCE, pou donn 10 labours (garson ek tifi) ek tou zanfan bizin refer aplikasion pou labours NCE mem si zot ti deza pe benefisie labours pou PSAC.
- Nou pou konsider aplikasion labours pou NCE baze lor 6 size Core. Zanfan bizin gagn omwin grade 6 dan Angle, Franse, Matematik ek dan 3 lezot size.

➤ **Form Aplikasion**

- Form aplikasion disponib dan de (2) sant CWF apartir 9h a.m ziska 3h p.m Lindi a Vandredi.
- Form aplikasion la bizin akonpagne par enn kopi rezilta pou lane skoler 2023 ki sertifie par lekol.
- Bann ki fer aplikasion bizin montre prev ki zot desandan Sagosien.
- Bann zanfan ki res Agalega, Board pou fer aranzman avek OIAC pou ki kapav pas mesaz pou zot fer aplikasion pou labours. Anplis, pou donn zot de (2) semenn adisionel apre dat limit pou zot soumet zot aplikasion.

Not: Aplikasion konsern bann zanfan ki ena lien direk avek Chagos. Ligne pli pros pou gagn priorite.

Dat Limit

Dat limit pou soumet aplikasion: **le 23 Out 2024.**

Chagossian Welfare Fund
Tel: 247 2278
08 out 2024